



Na osnovu člana 24. stav 1. Zakona o unutrašnjoj trgovini („Službene novine Federacije BiH“, broj: 40/10 i 79/17), člana 11. stav 2. Zakona o ugostiteljskoj djelatnosti („Službene novine Federacije BiH“, broj: 32/09), člana 35. stav 1. Zakona o javnom redu i miru („Narodne novine HBŽ“, broj: 4/07), člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), člana 17. Statuta opštine Glamoč – prečišćeni tekst („Narodne novine opštine Glamoč“, broj: 1/15), Opštinsko vijeće Glamoč na 4. sjednici održanoj dana 27.05.2021. godine donosi

### **ODLUKU**

#### **o radnom vremenu pravnih i fizičkih osoba iz oblasti trgovine i ugostiteljstva**

#### **Član 1.**

Ovom Odlukom utvrđuje se raspored, početak i završetak radnog vremena u kojem mogu poslovati sve pravne i fizičke osobe koje se bave trgovinom na malo i veliko i ugostiteljstvom na području opštine Glamoč.

#### **Član 2.**

Pod radnim vremenom smatra se istaknuto radno vrijeme, raspored dnevnog radnog vremena, radno vrijeme u neradne dane.

#### **Član 3.**

Raspored radnog vremena mora biti istaknut na vidnom mjestu i istog se mora i pridržavati.

#### **Član 4.**

Radno vrijeme utvrđuje se sezonski kao ljetno i zimsko radno vrijeme. Ljetno radno vrijeme produžuje se za 1 (jedan) sat.

### **I . RADNO VRIJEME FIZIČKIH I PRAVNIH OSOBA IZ OBLASTI TRGOVINE**

#### **Član 5.**

Radno vrijeme pravnih i fizičkih osoba iz oblasti trgovine i u zimskom i ljetnom računanju vremena je od 6,00 - 21,00 sat.  
Pravne i fizičke osobe iz oblasti trgovine nedjeljom ne rade.

Radno vrijeme benzinskih pumpi i trgovina u njihovom sklopu je svakodnevno od 00,00 – 24,00 sata.

#### Član 6.

U okviru radnog vremena utvrđenog odredbama člana 5. ove Odluke vlasnik trgovačke radnje dužan je utvrditi radno vrijeme svakog prodajnog objekta.

## II. RADNO VRIJEME FIZIČKIH I PRAVNIH OSOBA IZ OBLASTI UGOSTITELJSTVA

#### Član 7.

Zimsko radno vrijeme za ugostiteljske objekte utvrđuje se ovisno o skupinama i vrstama objekata:

- a) Ugostiteljski objekti skupine „hoteli“ i
- b) Ugostiteljski objekti skupine „kampovi“ i drugi objekti za smještaj u osnovnim sadržajima (recepcija, prostor za boravak i smještaj gostiju smještenih u objektu)posluju u radnom vremenu od 00,00 - 24,00 sata.
- c) Ugostiteljski objekti skupine „restorani“(restoran, gostionica, zdravljak, zalogajnica, pečenjarnica, pizzeria, bistro, slastičarnica, objekti brze prehrane), buregdžinica, ćevabdžinica, konoba, krčme posluju u radnom vremenu od 06,00 - 23,00 sata.  
Ljetno radno vrijeme je od 06,00 - 24,00 sata.
- d) Ugostiteljski objekti skupine „kafane i biffet“ (kafana, kaffe bar, pivnica, bufet) posluju u radnom vremenu od 06,00 - 23,00 sata.  
Ljetno radno vrijeme je od 06,00 - 24,00 sata.
- e) Ugostiteljski objekti skupine barovi (disco klub, disco bar, noćni klub, noćni bar)posluju u radnom vremenu od 18.00 - 01,00 sata.  
Ljetno radno vrijeme je od 18,00 - 02,00 sata.
- f) Ugostiteljski objekti za posebne namjene (svadbeni salon) i casino posluju u radnom vremenu od 18,00 - 04,00 sata narednog dana.  
Ljetno radno vrijeme je od 18,00 - 05,00 sati narednog dana.

#### Član 8.

Ugostiteljski objekti ne smiju izvoditi muziku na otvorenom prostoru poslije 23,00 sata.

## III. NADZOR

#### Član 9.

Nadzor nad primjenom ove Odluke provodi Služba za privredu, finansije i inspeksijske poslove i Policijska stanica Glamoč.

#### IV. KAZNENE ODREDBE

##### Član 10.

Novčanom kaznom u iznosu od 100,00 do 200,00 KM kaznit će se vlasnik trgovinske ili ugostiteljske radnje ako na vidnom mjestu svog objekta ne istakne radno vrijeme u trgovinskoj ili ugostiteljskoj radnji.

##### Član 11.

Novčanom kaznom u iznosu od 200,00 do 500,00 KM kaznit će se vlasnik trgovinske ili ugostiteljske radnje za prekršaje iz člana 5., 6. i 8. ove Odluke.

#### V. PRIJELAZNE I ZAVRŠNE ODREDBE

##### Član 12.

Stupanjem na snagu ove Odluke prestaje da važi Odluka o utvrđivanju radnog vremena u ugostiteljskoj i turističkoj djelatnosti, djelatnosti obrta i srodnih djelatnosti, trgovinskoj djelatnosti, igara za zabavu i igara na sreću na području opštine Glamoč broj: OV-01-02-263/09 od 31.07.2009.godine.

##### Član 13.

Ova Odluka stupa na snagu danom objavljivanja na oglasnoj tabli, a objavit će se u „Narodnim novinama opštine Glamoč“.

Broj: OV-01-02-01-99/21  
Glamoč, 27.05.2021.godine



Predsjednik Opštinskog vijeća

  
Marko Damjanović